

28.03.1882

Zakładny kamjeń za Baćońsku cyrkej	Grundstein für die Storchauer Kirche
Radworscy wosadni darichu w léće 1882 zakładny kamjeń za Baćońsku nowu cyrkej. Tu posłowna rozprawa z Katolskeho posoła z měrca 1882: Zakładny kamjeń Baćonskeje cyrkwyje <i>Zajimawu nowinku roznjese KP lěta 1882 po Serbach.</i> <i>Tu ju maće!</i> <i>Štož so lěta 1876 na namjet Mikławša Mišnarja Radworskeho wobzamkny, dokonja so 28. Měrca l. 1882. W skale „na wincach« Mikławš Wjerab Chelnjanski a Jan Rječka Radworski 9. měrca přihódny kamjeń wotkłaštaj; Jan Wjerab Łupjanski a Pětr Wjerab Chelnjanski jón wobdypaštaj. 27. měrca popołdnu kamjeń ze skały zwalachu a na wóz Jana Mjenja Chelnjanskeho zběžechu a z fararjowymaj konjomaj do Radworja dowjezechu.</i> <i>Wutoru dopołdnja (28. měrca) kamjeń z plećwami wobwěšachu; popołdnu štwórc na dvě konje Jana Mjenja a Korle Wanaka z Chelna zapřežechu a kamjeń ze wsy wjezechu. Předku jěchachu: Jan Cyž, Aug. Mišnar, Michał Połlenk z Radworja a Pětr Křižan z Bronja. Zady wjezeše Michał Šćěpan z Radworja pomocnikow (6 muži) a wšelaki džělačerski naporjad. Jasny zwuk cyrkwinskih zwonow přewodžachu zakładny kamjeń přejo sej, zo bychu so bórže zynki susodneje Baćonskeje cyrkwyje k nim znošowale. Wot Haslowa do Baćonja witachu sylne wrjeski skalnych wutřelow a ručnych třělbow zakładny kamjeń; na twarnišću jón z woza wzachu.</i> <i>W Radworju pomhachu: Jan Cyž z wotročkom, Hałkec Mikławšom, fararjec wotročk Handrij Kral a pohonč Handrij Šołta, Jan Buk, Mich. Poleńk, Aug. Mišnar, Mikł. Kubańk, Mikł. Šołta, Mich. Čemjer, Mikł. Bjarš, Jan Rostok a Mikł. Hantuš z Radworja, Mikł. a Pětr Wjerabaj z Chelna; w Baćonju: Mich. Čemjer, Mikł., Šołta, Mikł. Kubańk, Jan Rječka, Jan Rostok z Radworja a Mikł. Wjerab z Chelna.</i> KP 1882, 66	

From:

<http://82.165.187.122/> - Radibor - Chronik

Permanent link:

http://82.165.187.122/doku.php?id=28.03.1882_grundtein_storcha&rev=1662130816

Last update: 2022/09/02 15:00

